



2,000 kunjungi pameran gambar TMJ

UM 6/9/07

BATU PAHAT 5 Sept. - Seramai 2,000 pengunjung majlis konvokeyyen keenam, Universiti Tun Hussein Onn Malaysia (UTHM) di Parit Raja di sini baru-baru ini berpeluang menyaksikan 500 keping koleksi gambar-gambar Tengku Mahkota Johor (TMJ), Tunku Ibrahim Ismail Sultan Iskandar dan keluarganya.

Selaku Canselor UTHM, Tunku Ibrahim berkenan mengizinkan gambar-gambarnya yang dirakam semasa zaman kanak-kanak dan remaja dipamerkan di galeri universiti itu sepanjang majlis tersebut yang berlangsung dari 2 hingga 4 September.

TUNKU Ibrahim Ismail (dua dari kanan) bertanyakan sesuatu kepada jurugambar rasmi diraja, Mohammed Ali Ismail (kanan) semasa membuat lawatan ke galeri foto di UTHM, Batu Pahat, semalam.

Selain itu terdapat koleksi gambar-gambar seluruh kegiatan baginda khususnya sewaktu menjayakan Program Kembara Mahkota Johor.

Gambar bersaiz potret yang menunjukkan TMJ sedang memakai topi keledar dan menunggang motosikal berkuasa besar paling menarik tumpuan pengunjung.

Tidak kurang menarik juga dipamerkan ialah gambar-gambar TMJ bersama anggota keluarga tercinta.

Baginda sendiri berkesempatan melawat dan menyaksikan sendiri koleksi gambar-gambar baginda dan keluarganya yang dipamerkan di galeri tersebut.

Turut dipamerkan ialah motosikal Harley Davidson yang baginda tunggang semasa program Kembara Mahkota Johor.

Galeri tersebut dibuka dari pukul 9 pagi hingga 5 petang pada sepanjang majlis konvokeyyen tersebut.